

QVÆSTIO MEDICA

MATVTINIS AGITANDA DISPUTATIONIBVS IN PVBLICIS MEDICINÆ SCHOLIS
CELEBERRIMÆ CADOMENSIS ACADEMIÆ,

PRO SECVNDA APOLLINARI LAVREA CONSEQVENDA

PRÆSIDE NOBILI VIRO M. ÆGIDIO GAVDINO PROFESSORE REGIO MODERATORE.

An putridis Febris sibiū.

24.

FEBRIS corporis totius est calor, factus è nativo igneus, qui præcipuam habet in corde sedem, licet sæpius suam aliunde trahat originem. Putridæ quotquot recensentur species, recte duobus summis generibus comprehenduntur, nulla enim est, quam non aut partium, aut humorum vicium peperit. Ex visceris vel cuiuslibet alterius partis inflammatione, erysipelate, putredine, corruptela, indeue profecta tetra expiratione cor assiduò lacescente, Febris gignitur assidua, sed, vt aiunt, symptomatica; hoc certe grauior, quò pars afflicta nobilior laribusque caloris natui vicinior fuerit. Quæ ab humoribus ortum habet, aliàs quem semel apprehendit, continenter infestat; quò ad tota leorsim: vel cum ægro extincta sit. Atque hæc inflammari corruptiue sanguinis in maioribus venis sanguinis soboles est: aliàs longius à corde enata, intermittentem vt plurimum, at non semper securam periculi excitat, totiesque morbum iterat, quoties stata die & horà redit accessio: vnde quotidiana à pituita singulis diebus, tertiana à bile flaua alternis tantummodò, & quartana ab humore melancholico quaternis quibusque ex candelcente, & vero quemadmodum variè plerumque se habent diuersisq; modis inter se miscentur humores illi, ita penè innumeras constant interpolatarum Februm formas, incertis crebescensque interdum mirifice accessionibus, sed non rarò intermittentium more modòque exacerbantur continuæ, accensæ è labefactato sanguine in hos illosue humores degenerante.

SYMPOMATICAM Febrem rarò, nec ante extingues, quam partis, quæ illam fouet, ægritudinem plane perspectam habueris, mendedoque si quà id arte fieri potest, effeceris; vt ab omni morbo vindicata valeat, huius enim integritatem sequetur illico Febris vacuitas. Medica autem artis legibus præclare cautum est, ne cui infirma, inflammata, corrupta, tabida, tumidaue sunt viscera, validius obijciatur catharticum, quo moti furiatque humores minus in illa desiliant: potius venæ sectione, fomentis, enematis, lenientibusque alijs præsidijs cœcus ignis, latensque interperies demulcenda, expediendæque via per quas natura vel sponte, vel subsidiaria medici operâ blandè inuitata, omnem quæ premitur colluuiem deponat. Quæ ab humoribus prodeunt Febres, sæpe quidem similibus, at & alijs interdum machinis oppugnandæ. Prius tamen intellecto earum discrimine, nempe vt ebulliens corruptusue sanguis in patentioribus venis, continuam Febrem generat: sic intermittentem profert sanguinis quædam veluti fœx rancida, bilis, vel pituita alicubi collecta, & in flammam tandem erumpens: propterea qui conuenientem vtrique medicinam facere volent, in sanguinis detractioe continuæ amoliendæ; intermittentis verò præcipuam in purgatione spem reponat.

VÆCVMQVE ex arte instituitur purgatio naturæ obsecundare debet mollissimoque Febris tempore exhiberi: alioqui nullum omnino commouebit agere humorem: aut certe fractis viribus pestifundabit omnia. Quare ad purgationem duo maximè stimanda ægri nimirum & morbi natura; cui vtrique vis deinde medicamenti scitè commetenda. Quantumcumque in deligendo purgante medicamento cautus sis, nunquam non aliquid facestet molestiæ corpori: quæ non igitur metuenda strages ab imprudenter oblato. Labentibus ad ruinam viribus, nihil tutò possis aggredi; sed nec ipsæ integris nisi domito confectoque morbo, & qui hunc alit humore, illo enim ineunte aut inualecente piger & copiosus humor cruditate, vel si maius putredine valde à natura abalienatus tener hanc quasi vinciam: vt piculum sit de eo exturbando cogitare, nisi forte morbi impetu actus huc illuc fluctet, partique alicui principi perniciem intenter, tuncnamque satis est ei quæ se dat præbere exitum. Morbi initio quandoque aliquid emittit natura, sed inuita nullaue leuatione ac proinde nullis irritanda medicamentis, tunc hominem veneni in modum jugularis. Quo igitur belle res tibi cedat, illam in opere faciendo ducem imò & magistram sequere; solumque vbi se se eriget, & quos primis morbi temporibus coctione demulserit humores, iam excretioni maturos, suo Marte, quæ ipsi commodum est, nitetur extrudere, tum illi tu, quò victoriæ socius fias, opitulare.

FEBRE vexatis nullum à stibio potest venire auxilium: nisi enim Febris atrix impuritas seu venis, seu intimis viscerum recessibus maiore copia congesta, & à calore nativo mitificata, conuenienti medicamento quod penetralia corporis nullo damno subeat, funditus exauriatur, ipsaque connitente natura quæ decet exportetur, nulla vnquam speranda depulsio. Stibium autem vtrumque apparatus nequit purgantibus annumerari; vt non leuiter peccent, qui eo ad purgationem abutuntur: nullum quippe oporat affinem cognatumque sibi humorem quem ducat; sed quidquid occurrit, secum sine delectu abripit, nec sua solum acrimonia lacescit partes in quas venit, ab ipsisque vna cum reliquis humoribus magna perturbatione deuoluitur: verum suo ingenio noxias, venenatasque vires effundit, quibus ceu pestifero halitu vastat omnia, spiritus diruit; humores inquinat, partes arrodit, labem denique toti corpori nulla arte eluendam inurit. Iuat quidem nonnunquam exterius admotum, at communi metallicorum forte nusquam non nocet haustum, maximè vbi eius teretissima vis in terrena latens substantia igne velut abstracta exacuitur: vnde quia promptius subit ac reconditoribus visceribus semet importat, ab eo efferati humores nisi lethalem, saltem acerbiorum faciunt Febrem. Hanc quæ si continua est nec vacat periculo, quid ardet duriori longèque periculosiori Pharmaco oppugnare, at intermittente correptis quorum vita per se nullo in discrimine vertitur, id ipsum impingere, nonne furētis est.

NON id omne, à quo fusior alius purgandi virtute donatum est, vt mustum, mora, oleum, *quomodò*, ingluuiis & crapula, nusquam in purgantium classem relata, sæpe aluum, sæpe & ventriculum ad quoslibet succos fusque deque eiciendos prouocant: multa plerumque ab epoto stibio deturbatur illuuiis, idcirco ne purgat, sane non alia de causa vacuat stibium, quam quod venenum est: inde nimirum pugna naturæ rem sibi insensissimam vomitu, perirrhœa, secessu, hæmorrhagia, quacumque demum via est extrudere contendens, & si quando viribus defecta sit ipsa in arena casura. Quod igitur thelauros suos toties inuita profundat, directisque omnibus opibus ad dedicationem cogatur; Quod ventriculus primæ prorsusque necessariæ coctionis organum excipiendis repurgandisque sordibus à natura minime comparatum, partes quibus firmissimè annectitur, magna vi diuellat, vehementique concussionem omnia perterret, quo se expediat; id ne medicamento adscripseris: an rectius veneno; cuius si nondum malignitatem intelligis; accipe vel ab ipsis agyrtis, à quibus copiosa aqua pauculo arthenico infecta sapulque creta passim oggeritur tertianæ, quartanæ correptis, qui haud aliter quàm à sumpto stibio, nisi animam ipsam aliquando, casu licet, cum veneno Febrem euomunt ita hac temporum morumque lue palmarium habetur facinus, quod olim fuit capitale.

Non ergo putridis Febris sibiū.

Propomhat PETRVS ROGER Cadomensis, Baccalaureus, die 20. Decembris, A. R. S. H. M. DC. LIII.

CADOMI, Apud CLAYDIUM LE BLANC.